

Бадиий асар ва ижодкор масъулияти

Муродулла Жўраев

ЖДПИ ўзбек адабиёти ўқитиши

методикаси кафедраси

Ҳаёт муттасил ўзгариб – ривожланиб бориши билан қаҳрамонлар характерларини бадиий гавдалантиришнинг мураккаблиги туфайли бу борада турли баҳс-мунозаралар кўп бўлган ва адабиётшунослар таъкидлаганидек, ҳозирда ҳам давом этаётир.¹

Бу жиҳатдан Абдулла Қаҳҳорнинг йиллар давомида муҳим ижодий қоидага айланган ақидалари ҳам эътиборга молик. “Бадиий маҳорат – бу – чиройли ифодалар, антиқа воқеалар, кулгили ё қайгули ҳолатлар топиш эмас, халққа айтадиган зарур сўзимизни китобхон қалбига олиб кирадиган образлар яратиш демакдир”.² Санъаткор ҳаётни образлар орқали тадқиқ этар экан, барча фикр-туйғулари, китобхонга айтмоқчи бўлган “дард”ини образларда мужассамлаштиради.

Образ тушунчаси адабиётшуносликда, жумладан, Абдулла Қаҳҳор тасаввурида, асосан, инсон характеристи маъносида талқин қилинади. “30-йиллар бошида “Сўнгги кечা” деган бир фильм кўрган эдим. Бу фильм ўттиз йилдан бери эсимдан чиқмайди. Бунга бирдан-бир сабаб–фильмдаги қари бир ишчининг аломат образидир. Бу инсоннинг қалбига чуқур қўл солиб, заргарнинг сабри ҳафсаласию, наққошнинг ҳунари билан оро берилган образдирки, бунақа образ асарнинг қаноти бўлиб, уни замондан-замонга, макондан-маконга парвоз қилдиради”. Бадиий ижоднинг олтин қонунига айланган бу ҳақиқат ёзувчи ва комедиянавис Абдулла Қаҳҳор учун ҳам юксак ижодий принцип бўлиб хизмат қилганлигини кўрамиз. Зероки, «Ёзувчининг ёзувчилигини, –деган эди Абдулла Қаҳҳор, – у яратган образларига, адабиёт «домовойи»га ёздирган янги одамларига қараб баҳолаши керак».³ Чинакам истеъодод билан ёзилган асар қаҳрамонлари китобхонга жонли одамлардек

¹ Абдулла Қаҳҳор. Асарлар. 6 томлик. 6-т.-Т.: 1971. 411, 311-бб.

² Ўлжабоев У. Замон талаби ва ижодкор масъуллиги.-Т.: 2012. 54-б.

³ Абдулла Қаҳҳор. Ёшлар билан сухбат.-Т.: 1968. 117-118-бб.

таъсириллади ва унинг қалбидаги ёт “унсур”ларни йўқотишга ёрдам беради. Буюк мутафаккир Аристотель айтганидек, адабиётнинг, драманинг томошибинга ана шундай қучли таъсири орқали “катарсис” – покланиш жараёни содир бўлади.

Шу ўринда аксарият адиблар ижоди учун хос бўлган муҳим бир жиҳатга, яъни чинакам етук асар яратиш учун, мавзуни чукур ўрганиш ва бўлажак қаҳрамонлари–одамлар қалбига қалбини пайванд қила олиши зарурлигига эътибор қаратайлик. Абдулла Қахҳорнинг илк комедияси “Шоҳи сўзана” (“Янги ер”) етук санъат асари бўлишининг сабаб ва омиллари қўп. Энг аввало, бу асарнинг қандай шароитда ва қандай ҳолатда яратилгани ҳам қўп жиҳатдан ўрганишга лойик.

Ёзувчининг турмуш ўртоғи Кибриё Қахҳорованинг “Чорак аср ҳамнафас” китобида бу машҳур комедиянинг яратилиш жараёни ва ижодий тарихи ҳакида жуда қимматли ҳамда ишончли маълумотлар келтирилади. Абдулла Қахҳор колхоз, совхозни бир айланиб дарров очерк ёзиб ташлайверадиган ёзувчилардан эмас эди. “Ёзилажак асарларининг қаҳрамони билан яқиндан танишмагунча қўлга қалам олмасдилар. 1948 йил августида Мирзачўлга қараб йўл олдик. Ўша йиллари Мирзачўлнинг кўчалари тўпиққа урадиган тупроқ, салгина ёмғир ташласа, бир ҳафтагача қуримай, ширачдай бўлиб ётар эди. Колхоз раиси билан Абдулла Қахҳор кўпинча от миниб дала айланишарди. Биз яшайдиган шароитда ижод қилиш ниҳоятда душвор эди. Колхознинг кичкинагина движоги бўлиб, бирпас тап-тап қилиб ишлар эди-ю, соат тўққиз бўлар-бўлмас тўхтаб қоларди.

Сал вақтда совуқ ҳам тушиб қолди. Ҳужрани иситай десак на ўтин бор, на кўмир. Тошкентга тушиб бир машинада ўтин-кўмир олиб чиқдик, эски шаҳар бозоридан битта ўттизинчи лампа олдик. Абдулла Қахҳор шу лампадан керосинка ясадилар. Электр чироқ ўчгандан кейин лампа ҳам уйни ёритар, ҳам иситар, яна устига устак ундачой ҳам қайнатар эдик. Лекин бирор марта Абдулла Қахҳор, шу шароитдаяшаб ижод қилиш мумкинми, деб шикоят қилмаганлар. Кунбўйи ё сувора, ё пиёда дала айланар эдилар.

Бир нарсани алоҳида эътироф қилиш керакки, гарчи биз унча-мунча қийналган бўлсак ҳам, Мирзачўл сафари Абдулла Қаҳҳор ижодида катта бурилиш ясади. “Янгиер” (“Шоҳи сўзана”) комедиясининг “пойдевори” ҳам ўша ерда қўйилди. Ундаги Мавлон, “Синчалак”даги Эшон каби образларнинг противларини Абдулла Қаҳҳор Мирзачўлда учратганлар”.⁴ Афсуски, ўша йиллари адид бедаво бир дардга, қанд хасталигига ҳам чалинган бўлади. Касалхонадан тузалиб чиққач, “Шоҳи сўзана” комедиясини ёзиб тугатади. Бу комедия 1949 йили республика миқёсида ўтказилган ёпиқ конкурсада “Мирзачўллик” имзоси билан қатнашиб, юксак мукофотга сазовор бўлади. Ўша йили ўзбек саҳненинг отахони Етим Бобожонов бу асарни Ҳамза номидаги академик драма театри саҳнасида муваффақиятли намойиш этади.

1950 йили СССР Давлат мукофотининг лауреати Ю.Герман билан Б.Рест таржимасида “Шоҳи сўзана” Москвада, “Звезда” журналининг март сонида чоп этилади ва келгуси йиликомедия СССР Давлат мукофотига сазовор бўлади. Абдулла Қаҳҳор бу комедияси билан биринчи бўлиб ўзбек драматургиясини умумиттифоқ саҳнасига олиб чиқади. Кейинчалик бу асар бир катор хорижий мамлакатларда ҳам саҳналаштирилади. Бу комедиямисолида бадиий ижоднинг муқаддас бир принципини “кашф” этиш мумкин, яъни чинакам санъат асари яратиш учун ёзувчи ўша ҳаётда яшashi ва ундаги барча қувончу ташвишларни ўз бошидан қайта кечириши талаб этилади. Адиднинг бу фазилатини Президентимиз Ш.М.Мирзиёев ёзувчи ва санъаткорлар билан учрашувида ҳозирда таниб бўлмас даражада ўзгариб, замонавий шаҳар тусини олган Янгиер ва Мирзачўлларни 40-50-йиллар ўзлаштиришда Абдулла Қаҳҳорнинг чўлқувар – пахтакорлар билан бирга ертўла-землянка – қора уйчаларда яшаб, машхур “Шоҳи сўзана” комедиясини ёзганлигини эслатгани ҳам ижод аҳлига унтуилмас сабоқ бўлиши мумкин.

⁴ Қаҳҳорова Кибриё. Чорак аср ҳамнафас.- Т.: 1987. 33-35-бб.